

# ●黎季忠臣筆峯侯傳

公名廷簡。清化省弘化縣永治社人。景興己丑舉進士。性鯁直。敢言。不避權貴。初爲京北憲察使。始下車。卽刻効領守閑忠侯時。閻寺進用布滿朝廷。畏其勢燄。莫敢發言。公獨舉正其失。人稱其有凌凌之風。督同洞口日上疏言嘉定逋寇宜以時定。毋使賊勢滋蔓。以貽他日之憂。臣雖書生。願執鞭爲諸將先。朝廷置不問。景興四十四年。端南王初卽政。朝廷以宦者出領公與時宰爭言治亂之機。係君子小人之消長。意欲退宦豎而用儒臣。時宰惡其切直。出爲乂安協官。復召還。以爲高平府督鎮。四十七年六月。京師失守。公在高平。音問阻絕。每令人間道探問消息。輒爲蠻酋長所害。長處與土酋謀害公。一日就公所居室數。迫取官印。公正色曰。印朝廷所有。汝藩臣等安用印。若欲得印。先殺我。然後印可得。長處懼而退。遂與酋合兵圍公第。舊制領兵長處一人用土豪爲之。權在領兵之次。土酋十三人。環居鎮官之左右前後。有事徵發。長處土酋各隨差撥。公命洞開門路。立中庭謂之曰。我銜朝廷之命來鎮此土。今國內有變。內阻外証。我以一書生殺之容易。他日國家再造。如我等百餘輩。爲我問罪於汝。汝等無遺類矣。酋長又懾不敢犯。九月托言有旨召。遂還京。

昭統元年。召拜爲御史臺副御史。時顯宗喪未逾年。阮整傲倪。自矜肆爲燕樂。公疏劾整居國戚聲妓滿前。非人臣禮。皇帝以疏示整。整陰敬憚之。二年正月朔。西山節制武文仁率兵入京師。皇帝北幸。阮整被擒。領江巡官以兵迎戰。奉皇上于陸岸龍龕。公避居東溪花園。陰納舊臣義士。打探動靜。輒密以聞。文臣陳名案。奉太后求助於清朝。廣東總督孫士毅表奏其事。清帝批云。安南之事。一以委卿。士毅得命。以兵四萬過同登關。送皇上還國。公自花溪以勤王師。由北江還京。十一月廿一日。

皇上入御正殿。拜公爲兵部尙書。孫旣入京城。遂按兵不動。公屢與之言曰。今天兵一臨。狂蠻落膽。宜乘破竹之勢。直抵清父。使彼智不及謀。束身歸命。則可收萬全之功。不見聽。三年春正月初五日。北兵敗于湘竹。孫士毅聞敗報。渡河北走。皇上隨北幸。初六日。棟多屯田州太守岑宜棟拒戰不敵。死之。屯中軍校皆自刎死。公遂托爲風水老師。周遊各地。結納豪傑。陰圖恢復。推第三皇弟黎維祇爲盟主。辛亥九月。聚龍土酋演郡公謀執皇弟歸昇龍城。土酋柴中寬死之。冬。公在山圍程舍旅館。爲西山都督雪所獲。解還昇龍。雪使公自作表文。公書「黎罪臣阮廷簡食黎朝之食。衣黎朝之衣。而不能保黎朝之社稷。實爲黎朝之罪人。」餘無所言。壬子年三月。西山主命殺之。某都督素重公名。遺公藥。勸其自盡。公毅然曰。男兒死卽死耳。死則天地共知之。豈可暗昧而死。臨刑時。公神色不變。索筆書官銜姓名曰。「皇黎朝賜己丑科三甲進士兵部尙書兼臺都御史筆峯侯阮廷簡字忠諒。」書畢。投筆受刑。時壬子年二月二十六日也。年五十七。觀者莫不泣下。四方來弔。殆無虛日。始命禁之。初節制武文任入京。公避居林谷間。公之岳父阮俛以公小女阮氏明獻之。甚見寵嬖。氏明常使人齎書來覓公。公大罵曰。不孝女辱我門戶。罪不容誅。我安敢以兒女之情亂君臣之分。我誓不與此賊同日月。倘天不祚。黎有死而已。及清朝援兵至。皇上還京。阮俛入朝。公厲聲責之曰。公受國恩。穹官厚祿。今年踰七十。何惜一死。乃低頭屈膝俯仰於人。毋乃貽萬世之羞乎。阮俛默然。公在獄時。有詩二首云。昔日爲官今日囚。一生曾古兩風流。立朝未得酬吾志。在獄誰能寫我愁。底事榮枯非碌碌。此身行止任悠悠。從來興廢尋常事。但得吾心無怨尤。邇來爲國爲身耶。國破身存且奈何。但識綱常雙重寄。寧知官府兩檠枷。恨無王蠋忠臣劍。浪誦天祥正氣歌。紅日擡頭遺廟在此身。原已屬皇家。其忠義之心。至死不變。人比之宋文山云。



千宮之弁纓。洋洋三嘆之雅歌兮。旅九成之簧笙。伏虎臣於闕下兮。獻占臘爲犧牲。魯頌。燔燄虎曰。在泮獻誠。本國前代崇祀大禮。

俗官奏樂。刻占城真臘木人。爲其犯主首級列獻於庭。

鵠淑問之峨冠兮。奏肺石之風清。

魯頌。淑問如皋陶。在泮獻囚。漢制刑部奏一歲折獄之數於宗廟學校。奏死囚。以刑獄省驗教化之成。(缺一句)

趨羣英於六館。山秃竹於筆林兮。海傾臍於硯畔。開六藝之津梁兮。陳九經之几案。軋苗聽命於繩墨兮。

劉幾賦。天地軋。萬物苗。聖人發。士子傳誦。歐陽修知貢舉黜之。

楣桷受制於釐剗。枸橘木白瓜骨取以作合器。玄光詩。煨餘楣桷獨焚香。

聖真統一其歸極兮。賢關雲集

夫闔侃振作承休於皇王兮。飛躍儼美乎雍泮。乃於焉而遊息兮。時麗兌以登臨。樹習禮以鞠躬兮。鳥學詩而鳴琴。蚪陳詩於屋壁兮。龜負易於碑陰。瑩金井之高潔兮。澄玉壺之淵深。登雲物於眼界兮。濶沂雩乎胸襟。追槱薪於棫樸兮。廣疑問於青衿。望皇極而稽首兮。冀岱禋之飭駕。賁色笑於和鸞兮。屢論思而息馬。鼓霄肆於大昕兮。騰駿聲於稷下。地名齊學宮。燦聚奎之五星兮。廣陳常之肆夏。懿畜德於周郊兮。來豐章於堯野。臣不才而司業兮。揚皇風以宣化。賦學樓之參天兮。獻壽考作人之雅。

## ▲賞蓮亭賦

前人

卜予築兮龍編城南。接故基兮族紳公庵。本族前芳郡公居此土。予幼年所歷覽兮。相府深以潭潭。我王考初時亦卜宅此土之東偏。草樹鬱其青蕘兮。花石錯乎嶺嵌。予曾倚棠樹而放紙鳶兮。晨夕看相公之朝參。蓋予符相公之年庚兮。相公七十三而予十三。寅命。公丙寅生。予幾冠而志于學兮。向粉榆之精舍。從我茂祖而受兮。業離京華而田野隔皇城之跬步兮。忽狗衣之變化。換族紳之堂構兮。起相師之臺榭。芳郡公卽世後諸子以臺宅易賣于國師院郡。翠華臨雕梁兮。織錦鱗之綠瓦。列簷牙之數重兮。郁瓊花之千孕。環二八之歌鐘兮。奏晉卿之肆夏。翠華臨

於不時兮。二門紛平車馬。臨郡公第起前移右三門。儼黃扉之邸寨兮。引方丈之行仙。公鍊仙方內構列仙靜室。煉丹鑪之鉛汞兮。撮芳沼之青蓮。公植蓮此沼採蓮蕊爲茶。煮黃粒之珍珠兮。飛寶鼎之香烟。固將收標致。陶謝兮。友不老之喬  
錢。先主聞而嘆息兮。馳中使而探嬌焉。擲御前之元寶兮。市沼中之百瓣。盛王聞之。命公依方鍊進頒白金三十兩。賞蓮蕊茶。架丈六之橫橋兮。躋長虹於水面。公架橫橋於水面看列妾採蓮。演歌兒之新曲兮。泳綠泓之清淺。採蓮時侍兒掉扁舟唱漁歌爲樂。拾銀蕊與金英兮。走紅塵之追電。登天府之茶灶兮。召麗華之彩殿。賞相師之巧裁兮。誇仙娥之善剪。公每得蓮茶。即走烹茶。召宣妃同賞。宣妃最好重蕊。公之伯妣入侍輒得賞賜。既南風之大競兮。凝白雲乎紫微。此段敘丙午年之變。迷翠靄之江濤兮。天地慘以傾欹失太液之芙蓉兮。啼上苑之子規。悵六飛之不知處兮。傷一老之不憇。遺蓮隨人而零謝兮。惟餘青草之幽池。蘆荻密其修翳兮。泥燕驚以紛飛。故址夢于繁華兮。堯牧羣夫豎兒。慨風景之非昨兮。起予心之懷古。雖盛晚之推移兮。實英奇之如故。枕濃山之正中兮。對皇極而拱手。此土以濃山爲祖山。由乾亥轉艮入脈。環臨康之朝宗兮。凜朱雀之顧祖。臨康湖在前面朱雀神址在虎分稍西。尺雪護其儲胥兮。倚歲寒於柏府。御史臺故土在此。文瀾遞其縹渺兮。炯秋陽於譽宇。國子監在西北。監前大湖在左。宣名勝之藏旺兮。若有待夫契悟。予盤桓而流戀兮。按定中而規措。內起易林之著室兮。外構竹林之禪堂。右築烹茶之比屋兮。左營擊壤之迴廊。中結臨池之一室兮。俯瞰半頃之方塘。乃求蓮於鄰眷兮。葆真觀侍御公號名。所植之香。投白藕之幾根兮。纔半月而騰芳。引玉真之翠翟兮。施素娥之衣裳。雀畏碧以高舉兮。魚駭皓而潛藏。樹青淡而歛影兮。水色涵其銀

光蝶粉殘而失容兮。月色凝夫素粧。每臨風而寓目兮。足薰衣之徜徉。顧予心之賞蓮兮。與相師而似異匪遠。求於蓬瀛兮。寓三祖之深致。惟淡泊以自遣兮。實濃華之非意。愛吾亭之清虛兮。包寥廓

於眼底。羨此蓮之清香兮。嘗隱隱而撲鼻。非皎皎之易汚兮。眞太白之與比。薄薰香之自消兮。惟紺寒之足擬。生於泥而不染兮。凌玉壺而逶迤。自曰若之既遠兮。誰奉一以天下奉一人而脫屣。法螺玄光兮。享烟霞之富貴。與白蓮而同心兮。眞覺皇之知已。予有悟於蓮宗兮。存雲遊之勝址。蓮宗寺在城南。覺皇出家時所建。賞吾亭以蓮名兮。披二十四聲以益發予之竹林宗旨。

## 文苑

### ▲雲溪遺草〔續〕

◎題恩踪寺梅

寺在嘉定

一到招提境。無心占百花。明粧窺色。相舊夢。斷繁花。地僻香偏遠。山空影自斜。年年孤往客。春思在禪家。

### ★遊梅山寺

烟蘿鬱處翠成層。天末偷閒偶一登。林寂鳥聲幽。類鬼雪消梅影瘦。于僧苔痕青塚攔邊石。雲氣寒噓殿角燈。

覺林清淨地。真個老禪家。院沒留賓榻。庭栽獻佛花。鳥聲餘竹柳。僧氣有烟霞。坐久機心寂。涼風拂帽裘。

### ▲人日寓覺林寺

花發時聞鳥語頻。空門無酒酌良辰。羈身萬里還依佛。浮世今朝始作人。

### ○孤鴈

在嘉定時作

寥歷秋空外。清宵獨悄然。一聲餘落月。片影盡長天。病客書難寄。離羣念忽牽。飄零何所向。心跡說難傳。

●示子德香

顧爾行年已十五。今猶如此。後何如。學無知化。  
輸書蠹字莫貪肥。是墨猪世事欲酬吾。萬足身  
謀分負爾。三餘縱然後母虧慈愛。孝義心同閑  
子居。

▲寄懷扶安知州故友黎梅溪

西風搖落觸離愁。不斷蠻鄉望十州。  
蓮社無由招遠別。松山有夢記前遊。  
三秋形影吟應瘦。兩路情懷寫未週。  
若問起居無別樣。遙巡依舊一磨牛。

★客中偕同人登松山偶興

松山寺在興化省青山縣

名岡住杖客懷開。醉眼矇矓望九垓。  
萬里波濤山起伏。一條衣帶水縈迴。  
危樓每挈青衫上丈室。重尋白足來獨撫孤松吟。  
未已斜陽林外晚。鍾催焦尾無聲爲久囊。  
偶蒙惠顧不妨彈十年客路。

◎贈三農縣尹阮伯柱先生

逢偏晚半里。雲山會亦難。多病那堪隨驛尾。  
不才還恐負猪肝。閒來只欲親潘岳。萬樹桃花帶笑看。  
●竹城客夜聽歌妓唱琵琶四首

竹城即興化省

其一 扇底低聲按古詞。洮江月白轉淒其。  
當年莫怪青衫濕。此夕羈人亦自癡。

其二 彙臉紅潮酒半醺。燈前小立憇。  
湘裙江州此夕寧非我。商婦前身莫是君。

其三 筆底雲烟舌底波。才人吟後美人歌。  
那知一縷鯢絃細。牽得風情盡入魔。

其四 一腔幽怨吐如絲。底事天涯祇未歸。  
淪落斷非關薄命。誤鄉料亦販茶兒。

●竹城中秋夜客邸書懷

一鏡澄明徹碧天。羈人倚檻思悠然。  
髮離龍甸三分白。月看熊山八度圓。  
逢別也知秋是客。醉吟那得夜如年。  
最憐滿眼清輝景。江上同誰泛酒船。

(文苑) 雲溪遺草

## △賀原甸邊知府陶公復赴舊蒞

琴鶴飄然也不羣。環車爭羨舊陶君。旌旄望入窮荒色。圖籍看猶曩。日文鴻爪幾留熊嶺雪。馬頭重認冷山雲。邊氓漫惜黃堂老。坐嘯無爲當慎勤。

## ◎脚痛

跡遠登高事莫提。守株今日氣何低。驅蹄患後驚。風雨鴻爪傷來厭。雪泥撫髀那堪閑歲月。問心無恨好山溪。兒童不解高眠意。猶羨袁安樂。

## 隱棲

## ◎水烟瓶

入世持身重若瓶。中通不愧對人鳴。胸吞墨水三升盡。氣吐雲烟萬狀生。常倒玉山欺酒力。每

聯瓦鼎亂茶聲。平生顏色誰能照。知己原來獨短擊。

## ●擬秦宮女自嘆

一點宮花累色香。東風零落大風狂。恩微豈得

忘秦國。命薄何須怨漢王。屠狗片言成毒藥。沐猴一炬冷殘粧。早知生被娥眉誤。悔不移家學採桑。

## ◎擬吊唐孫供奉

千古留皮史筆存。殺身不肯拜朱溫。屈伸兩膝。山河重號叫。一聲天地昏。禽犢幾羣羞見面。豺狼當道暗消魂。衣冠此日成何物。獨有愁胡解報恩。

## ■村居

湖海歸來臥此村。幽閒應學謝公墩。一池漾月光。搖屋萬竹和烟綠。到門心向道。中原已死事除。詩外懶開言。此生虫鼠隨天賦。毀譽隨人不足論。

## ○歲除日

閩市人如蟻。居閒獨晏如。千家忙歲盡。一枕得春餘。燕子度高幙。梅花明敝廬。新聯猶擬作俗事未能除。

## ●元旦

幾年潦倒水雲隈。柏酒今朝要滿杯。老境不知將逼入。春風剛喜又尋來。一聲破夢誰家爆。數點生情客邸梅。三樂細推吾有分。從今笑口也應開。

## △春日遊松山寺

此山在興化省。山上又有記得樓乃本省原臬使阮如吉大人所建。

老大貪幽癖未除。又拖破履歷崎嶇。松昏細路僧歸晚。梅白空山客到初。入寺寸心冰炭淨。登樓雙眼水雲餘。古來賢達知何處。沉醉高歌莫怪予。

## ○江行雜詠四首

此遊文盤州道中作

其一 晓起孤燈暗。推蓬各有情。亂山迎棹去。殘

其二 月送舟行。烟水雙眸濶。鴻濛一葦輕。漁翁何處去。款乃忽聲聲。

酌頽然縱所之。舟纔容七尺。坐臥也相宜。挑悶刪新稿。偷閒覆舊棋。灘聲撩夢寐。波影淡鬚眉。興到蓬窗

其三 瀘瀨行不了。天色又黃昏。岸曲疑無路。烟深識有村。綠陰藏竹屋。水影倒柴門。喚僕沽來酒。江頭對月吞。  
其四 認得前來路。何須更問津。江山曾識面。書劍慣隨身。浣筆長流黑。題詩絕壑新。後來遊此地。莫笑布衣人。

## ▲喜水尾州尹阮公班枉顧草堂因贈

短褐誰曾識姓名。多勞結駟到山局。琴書始信原無負。車笠何須舊結盟。熊嶺雲烟留墨跡。虎灘風雨入琴聲。自慚小草淹空谷。一接陽春氣。

## ○舟過山園浦

遠上人烟幾縷稀。柁工指點說山園。一村荒落臨流水。四面岩嶂鬱翠微。鷄犬聲喧生客至。光<sub>木</sub>邊榔叢暝老牛歸。誰家旗影搖搖掛。招得詩狂興欲飛。

●丹霞村

幽閒最愛小村墟。偷入丹青也不如。屋角綠遮蕉葉暗籬頭。白點槿花疎。四鄰空對山兼水。三徑惟栽蕨與蔬。湖海笑予成底事。何當來此結蝸廬。

▲江行過關偶興

十分吟興過關催。放眼空明畫本開。江上紅翻殘日下。船頭青擁亂山來。險巇盡付杯中酒。奇幻都歸筆底裁。彈指牛溪知不遠。者番應得飽看梅。

★鬪鷄灘

客途又過鬪鷄灘。徒辨雄雌倚掉看。水引沙頭長。對嘴烟生石頂聳。雙冠怒濤鎮日鳴聲急碧。

薛經秋羽翮完。兩立中流長不轉。莫將勝負問迴瀾。

●大灘

奔流不已復紆盤。七十灘頭爾最難。猛獸截江攢。怪石雲山捲地走。狂瀾壯懷每欲窮。源探奇意偏從險處看。對此真吾詩料在。舵工何事轉心寒。

●次堡河

四圍山色轉斜曛。鷄犬誰家竹裏聞。江客維舟依亂石。山蠻歸洞踏層雲。聲疎水鑿知泉細影淡。村燈見雪紛。幽景不妨留一宿。塵容聊借濁醪醺。

●黎景興二十年文武百官進賀平西表

擇侯汝貴衙撰

伏以王者有征。八表慰雲霓之望。仁人無敵。九天轟雷電之聲。斧鉞臨而島嶼開容。鐘鼓奏而絃賓增色。穹示薦祉。紳胄騰欣。臣竊惟經言于莽伏戎。著五位用攻之象。傳載止戈爲武。昭一人耆定之勳。粵攷徽猷。資存盛軌。青丘試刃。絕野清四塞之塵。丹溥著鞭。陽崖掃三頑之障。自於爍既寥於雅

韻慨于征罕繼於神功。隴西兩駕攻城。霜換發兵之髮。遼左踰年越險。汗穿自將之袍。太原空著意於彈丸。緬甸謾勞神於寶石。牙洋魚艦。浪渡居諸沱岸。鸞輿飽經寒燠。僥倖昭然幸濟。稽遲還是拙謀。固未有臘出春還數旬。假五軍之力。西平南懾。一舉收四克之功。如今日者也。恭惟王上仁孝格天。孚誠享帝。當璧初應景命。乾象回既午之陽。更絃再補穹圖。巽令煥先庚之日。內治簡心於政體。外攘積念於戎機。奮神武於南征。鯨築銀茄之觀。振天聲於東伐。烏栖寧舍之城。羣方漸屬於和平。闔境胥陶於還集。蠹茲他賊。嘯處邊陲。狡裔言萬端。視求質諸渠而更黠。征科百出。奄宣興數路以滋蔓。窩中之牛馬成羣。手下之鴟梟逐隊。壁壘青環萬仞。險塗山鶴洞之梯巢資糧紅滿千倉。富杜舍昌河之積峙。叛渙但憑財力。么麼寧顧分名。旄騎鸞旌乍敢妄尊於井底。黃屋左纛乃方自桀於海濱。宛然敵國之整居。陷此方氓於墮溺。累年命將莫底蕩平。曠日糜軍空勞救解。宵旰重懸於宸慮。大興必往之師。蹇濡思拯於民生。用慰溪來之望。三道合而旌旗蔽野。六飛懸而漿食塞途。陣容正正堂堂。泄龍虎風雲之秘奧。戎算虛虛寔寔。寔極陰陽天地之玄微。不勞妙契於上謀。未戰已形於先勝。萬里險夷歸睿鑑。指陳何假於米山。千重奇正運淵衷。調發先開於石陣。取路密懸車之策。兼程神掩敵之機。龍村來而軍若無聲。乘夜穿山暗出數條之徑路。郁洪到而賊猶不意。侵晨逼壘。倏成三匝之重圍。點黨千餘負泥就鎖。支屯十數對炬成灰。險破堅摧。西寨望太原而內潰。遠隨邇懾。東通同黠。值以偕俘。安邊不振於先聲。拉朽旋乘於勝勢。香粳佯令蟻附。恰符臨晉之兵。橘林潛遇禽奔。的似華容之火修櫓。纔臨於附壘。望巢已失於歸途。擣鋒之獰黨就擒。待燎之蜂屯盡掃。窮寇十分黃落。垂將力屈而心離。大軍一向舒徐坐使勢分而形散。免守既因於愈寡。駟攻立決於必

擒玄雲響出九霄。黃鉞麾開八陣。夜半貂裘冲粟烈。暖回冒雪之寒容。山巔玉趾歷巔。喚起緣崖青冷。萬軍同決水之形。農勝趨來玉佩鼓噪而暗晴。皋鶴共軍聲而響息。千乘奮從天之勢。橫岩攻下林入覆越嶺穿叢之卒。先具長纓離山失窟之鯨並膏巨鑊。天布四羅而不漏地分九道以無遺寶。積山藏籍盡海陵之庾。軍需戎伏收齊熊耳之戈。城郭隳而遐邇咸孚。積聚散而旄倪共慶。再籍三載。何勞徵調之煩。重金襲湯立見艾夷之速。戰地未成於柳岸。威風已振於榆關。宣興偕西太以向平。石琅繼演驥而獻捷。人百其勇止爭索獸於窮山。王一哉心寧忍獮禽于荒野。於戡伐削平之際。布撫寧還定之仁。師出有名既掃積年之寇。后來無罰重孚就日之心。方民賴脫於火湯。率土胥安於衽席。山川草木回十年不到之春。天地神人慶四海永清之會。戰士樂洗戈於銀漢。戍兵瞻掛旆於天山。鴻雁于垣喜究劬勞於既宅。鳬鷺在渚共歌福祿於丕平。一天之胞與皆仁。四境之見聞稱智。卓卓睿謀雄斷駿超陳軼李之英聲。巍巍盛德豐功光滅莫平吳之偉轍。景爍昭垂於萬古。洪禧永裕於千秋。臣等率以凡庸幸聯班序。刻勵勉勤於職守愧無衛羈漢簣之勞。清夷全仗於威靈。願效淮頌蜀歌之續。愷澤胥陶舞忭鋪張曷旣稱揚。伏願

王上道體乾行量弘海納稽周易九三謙有終之義。時敏聖心卽商王十一征無敵之餘。日矜懿行。亹亹益勤於整理。孜孜致謹於修防。七德兼隆。完保大定功之美。五兵示戢。資觀光揚烈之休。寵綏默格於玄穹。迺總稠膺於帝祉。堯蓂萬禊仙齡長對南山。周帙億年國勢永同磐石。臣等不勝瞻天仰聖歎忭之至。謹奉表以聞。